

計捐穀一萬五千四百五十六石又捐建義倉銀一千三百五十七兩于貴陽府貴筑縣兩學宮內建倉三十八廩將谷石陸續交倉分儲以備不時之需並酌定經管章程條規期于經久有備無患據該府查明由司道議詳前來臣查捐數較多之但鍾良等二十名均與甄敘之例相符仰懇天恩交部分別議敘以示獎勵

以桑春榮爲貴州按察使

東華錄

孔慶瑚病免春榮由雲南迪南道遷

前事志二十三

起清文宗成豐五年七月

清

秋七月蔣爵遠奏停本年鄉試

蔣爵遠奏竊臣前因桐梓縣首匪楊鳳伏誅餘黨次第肅清察看情形貴州乙卯年鄉試自可照例舉行奏奉硃批禮部知道欽此茲查上游郎岱廳鎮甯州夷匪聚衆滋事官軍進剿獲勝該匪仍恃險負隅四出燒搶業添調滇兵節次奏報在案下游台拱黃平丹江清平等應州縣苗匪紛紛四出搶掠毛堡村寨

貴州通志

前事志二十三

五六

抗拒官兵必須厚集兵練協力堵剿現在士民齊團防守各保身家將來應試人少文武各員辦理軍務勢難兼顧科場掄才大典一經貽誤關係非輕臣不敢因具奏在先稍有迴護自干咎戾相應據實奏明請旨將本年乙卯科鄉試停止展至咸豐八年戊午科歸併舉行仍照兩科定額取中以廣皇仁而勵士氣一面飛咨貴州正副考官在前途暫駐恭候諭旨遵行再下游苗匪肆擾驛路間有阻滯臣已分飭地方官候雲南正副考官入境即繞道按站進行護送出境

苗匪犯清平官軍敗於冷風口

蔣爵遠奏順奏據貴東道承齡撫標中軍參將圖塔納稟稱六月二十一日千總王定臣勦捕望州苗匪外委劉映彪持矛深入賊隊生擒黑苗頭目一人不防夥匪暗施冷槍中脅殞命千總張仕松大呼殺入賊乃紛跑二十七日探得苗匪大股在清平東南香爐山一帶望紫當派雲南守備高天澤貴陽千總黃掄元各帶兵勇往勦出城踰時突有苗匪千餘分股撲城知州徐河清出城衝殺槍斃執紅旗賊目一名張仕松亦將另股苗匪殺退高天澤等將下寨賊倉

焚燒賊見火起紛紛來救我兵槍礮齊施匪乃散竄二十八日辰刻有二千餘匪分三路而來徐河清高天澤督帶兵勇馳往堵住隘口練勇朱其沛首先衝出殺賊二名突被礮子打穿心胸登時殞命高天澤坐馬亦中炮倒斃徐河清麾練橫擊賊即潰散黃掄元與世職徐廷選等分隊環搜擊斃伏苗數十名七月初七日謀攻重安賊巢高天澤黃掄元督帶練勇進紮冷風口初八日黎明率屯蟻聚四面皆賊黃掄元腿中礮子裏創血戰外委王雲龍梁占鰲又殺賊數十同時陣亡高天澤自坡衝下腿已中矛正在力戰之時適城中援兵繼至賊各四竄初九初十一等日賊四面兜攻正危急間委員徐達邦生員黃槐邀集平越州屬雞場鄉團五六千人前來援救該道府等即開東門派兵勇衝出前後夾攻殺斃苗匪六七百人城圍已解該匪深恨雞場士民糾衆報復二十一日往攻雞場該處爲省城至下游咽喉要道徐河清高天澤委員陸啟秀統帶練勇飛馳往救比至楊老則雞場鄉團已將匪殺退二十二日卯刻追至四十里外之三甯六堡等寨殺百餘賊焚其巢分防各汛十有八處在在需防即在在需兵兵以分而見少賊則裹而愈多現今丹江都江三脚壘八寨諸苗

貴州通志

前事志二十三

五七

無不蠢然思動而其最兇惡苗多在清平台拱界中該道等兵力尙單不敷分布未能四出會剿已飛催滇兵星速來黔並移知古州鎮總兵桂林派兵分路前進

按紀畧冷風口之戰掄元占鼈戰沒據蔣奏尙有王雲龍同時陣沒紀畧漏敘

二十六日教匪羅光明陷都江廳城署通判周汝椿副將佛恩遁外委羅廷貴戰沒四年思南囚賀大貴陽黃五陳七俱犯法置都江三查刀大塘謀亂又有點僧詭爲兵火劫數諸說決人休咎該往事頗驗人以爲神遠近流播徒黨日盛教匪羅光明唐燮理繼起浸不法五年四月光明等遂據大坪山其黨唐世寶揚言天降大劫須往大坪山避之復使其黨四出號召由上江之喬桑烏洛及古州之喬亥平永雙溪口都江廳書吏余正紀唐德芳劉連應等乘機誘聚大坪山者數百家古州鎮總兵桂林同知周湜遣役察返則詭詞以對士紳請兵當事者持重弗許六月中台拱苗匪九大漢魯衆數千人焚古州朗洞屬村寨逼黎平白蓮教匪千餘人據朗洞養汪者鄉二十七日羅光明破三脚屯攻都江

余正紀應之正紀夙爲齋匪魁通判周汝椿授以兵使備賊正紀遂以軍械資賊七月陷應城副將佛恩通判周汝椿懷印走佛恩遁古州總兵桂林以爲旗人恥痛責之佛恩愧自戕賊招雷公山黨羽唐德芳劉連應等四出焚劫番亥清琳左衛各堡次第盡陷惟靖鎮堡總旗蔣貴矩聚散民拒賊與洛本堡七十二寨遙爲聲援賊下竄

按平黔紀畧佛恩自都江遁古州桂林不納令同吳立剛復應城遇賊八開受傷旋沒與黎平志異

二十六日羅光明陷都江應城署通判周汝椿著上江協副將佛恩遁壩階外委羅廷貴戰沒旋陷打畧汎初光明潛結都江書吏余正紀圖應城汝椿不知授正紀兵使守致陷正紀故吏因呼老科云署古州鎮桂林始遣守備吳立剛援不及

都江居都勻南羣苗屢變茲變則奸吏余老科爲之魁非苗變也權通判周茂椿雲南人知余奸而不爲備乙卯秋九月城破老科感茂椿相待之厚不之害遂率母出城乞救於鄉團貢生王啓淙以鄉兵復城老科又破城盡殺啓淙家

貴州通志

前事志二十三

五八

茂椿尙未入城得免復至古州與周湜結爲兄弟共守城古州破與湜同道去

野史

按都江陷爲七月二十六日云九月誤周汝椿誤茂椿

羅光明等圍八寨廳城分掠麻哈獨山鹿丕宗遣候選知縣邱樹桐往擊道遇賊賊復攻圍八寨廳城分掠麻哈獨山鹿丕宗遣候選知縣邱樹桐往擊道遇賊生員張清淵武生陳秉忠等戰沒賊遂圍府城會畢亦營守備楊啓鵬大定營把總陳繼楨等援至賊解去蔣蔚遠奏饒丕宗職仍留署

秋七月丕宗以廩生張清淵將兵擊水竹園賊懲花家地之敗人無門志賊悉銳遮擊之清淵力戰死翌朝賊黃野狗七拉結山賊扶連芳與柳天成合不時

都勻

嚴禁販運黑鉛出境並飭將黔省應解黑鉛分批解部

諭黃宗漢奏請查禁販運黑鉛一摺四川雲南貴州各省多有產鉛之區所採

鉛片向無例禁之文惟黑鉛有關軍火若任令市商販運流弊滋多必當嚴行禁止嗣後除白鉛一項仍聽商人行運外其黑鉛著四川雲南貴州各省督撫分飭所屬地方各員一律嚴禁不准出境本月據工部奏黔省應解黑鉛久未批解請飭催陸續補解等語黔省應解黑鉛數年來未據按批解到見在庫存無多海防緊要深恐貽誤軍需著劉源灝將咸豐二年下運起歷年應解黑鉛迅即分批解部

東華

八月初三日署平遠知州沈世良提標左營外委張發科武舉陳九榮王大魁等擊仲夷安順老鴉石敗沒

野史

五月調世良署平遠州而安順仲夷四出焚掠大吏檄予討之以世良與予善令佐予軍八月初一日出師紮營夏官屯予以兵初至地利不諳欲徐徐布置世良新履任意在速戰初三日黎明偕副將全興進兵攻里板越賊巢予戒之日路遠且險相機進止第一須防伏賊仍命鍾洛帶練從之既抵賊巢外環攻賊匪不出而分股抄我軍後軍亂賊傾巢出世良急麾軍退至老鴉石遇伏戰

貴州通志

前事志二十三

五九

死鍾洛與其戚張玉章往救並殉焉

野史

蔣蔚遠奏請開捐

蔣蔚遠奏竊查黔省上下游因苗匪不靖調兵勦辦需用浩繁司庫空虛以至本年夏季兵餉至今尙未支放種種支絀情形業經臣于遵查下游苗匪摺內縷晰陳明併乞天恩勅部另撥兼催山陝川滇各省將已撥未解之銀迅速解黔在案復思各省撥解尙需時日黔省軍餉兵精待用萬分緊急實無可籌晝夜焦思惟有設局勸辦捐輸或可稍爲接濟暫緩目前惟是黔省瘠貧甲於天下所謂富戶不過畧有蓋藏之米谷而年來谷賤傷農倍形拮据又值迭次捐輸之後更難望其踴躍現在雖開大捐歷年報捐者甚屬寥寥若不變通辦理優加體卹何以廣招徠且軍營鹽菜口糧嗷嗷待哺與其全收銀兩不如兼收錢米與其以銀易錢米使市儉得以牟利不如畧減錢米之價以合銀使捐生有所感激當飭兩司悉心籌辦去後茲據詳稱本年五月接准戶部行知各省辦理捐輸章程互異上年十二月奏明嗣後辦理捐務除由軍門糧台報捐紳民不避艱險輸助軍需准其以制錢一千六百文作銀一兩以示體卹其各省

捐生以錢上兌者概以錢二千作銀一兩交銀者以實銀核計奉旨依議欽此
現在黔省軍興省城設有糧台總局上游安順下游台拱亦各設有糧台勾稽
用費並非各省無事時可比應請飭令紳民捐輸米谷者仍照部價核算捐輸
制錢以一千六百文作銀一兩俱自備運費就近糧台收納該糧台兌收後
即給收照仍令該捐生持赴總糧台換給司庫實收按照籌餉新例現行常例
以及戶部議准陝西撫臣王慶雲條奏推廣各例分別減成應將官職不論收
數多寡按月詳請奏咨給發部照一俟軍務完竣即行奏請停止等因前來臣
覆查該司所議似無窒礙捐銀捐米者既悉照部價核收其以錢上兌者應照
糧台報捐之例准以一千六百文作銀一兩每屆月底不論收數多寡按月奏
請獎勵仰冀恩施早沛庶可源源而來臣熟查情形實有迫不及待之勢未便
拘泥轉致貽誤飭司即日行知各糧台設局辦理

蔣爵遠覆奏下游苗匪起畔根由并請添調滇兵助剿

蔣爵遠奏竊查楊逆係桐梓縣差役地接四川與上下游相距遠且夷漢語
言不通已有不相及之勢況楊逆倡亂在上年八月其時官兵悉往遵義而夷

貴州通志

前事志二十三

六〇

苗晏然不動本年二月十四日楊逆在上游貴州屬之打架坪地方被官兵
擊敗逃竄於二十日始至定番州之大塘距黃平舊州四五百里而舊州老里
壩搶案係十六日夜間之事尚在該逆未至大塘以前其為另股匪徒已可概
見楊逆竄經大塘至獨山麻哈平越總安諸州縣境窮蹙萬分果與苗匪勾結
則自麻哈東竄台清至為近便何以反由他路竄逃再查楊逆伏誅在三月
初七日其黨舒裁縫等被擒在四月十八日其時台拱苗寨已畧就撫定清平之
凱棠凱少黃平之革夷等處至五月方始大起其非以楊逆勾結始滋事端殆
無疑意與義涂令恒倡亂大定楊隆喜竄擾甫靖之後土匪在所不免經地方
官隨時拏辦現已一律肅清三月間黃平州城各鄉曾有苗匪滋擾窺伺雖經
地方文武擊散伏莽尤多未能淨絕根株臣溯查台拱黃平地方及清平邊境
在前明及國初為九股生苗盤踞雍正乾隆間疊次用兵方始開闢百餘年來
種類繁衍山土所墾不足以供衣食於是良者傭工覓食或駕船營生莠者時
出為盜道光三十九年以後節經前撫臣及臣派員查辦著名之匪漸次殲擒
餘或逃逸適會粵西軍興前往充練近陸續散歸既無生計又見官兵因楊逆

之亂疲敝空虛潛相構煽遂至蔓延此下游苗匪起畔之實在根由也至上游
夷漢相仇已非一日今屯聚蜜蜂養馬二里及落別地方負隅相抗未能得手
下游則千百成羣時出搶掠台拱清平黃平施秉鎮遠丹江都勻八寨古州獨
山各處無不紛紛告警計現調之兵除各處防守城池外為數無多未足以資
攻剿合行遵旨飛咨貴總督臣恒春添調勁兵二千名揀派得力將弁多帶
火器速赴下游責成貴東道承齡相機勦辦仍設法開導解散脅脅良苗以孤
其勢一面聯絡團練併小為大齊心守禦并嚴飭該道王成瑞福連承齡迅速
籌辦

提督李順進剿安莊夷匪破蜜蜂里賊并遣援歸化

蔣爵遠奏竊查鎮甯州屬之安莊坡係通滇大路側近賊巢而蜜蜂養馬
二里山頭陡峻旁有扁擔山猛統賊寨阻遏官兵入落別之路臣蔣爵遠當飭
王成瑞福連設法進剿去後茲據該道稟稱自六月初三日以後連日大雨十
八日晴霽正擬進兵接到都司劉攀桂稟報探得該匪吹角聚眾恐來撲營十
九日副將白人鵬特克慎各帶兵勇往援未至安莊望見該匪漫山越嶺而來

貴州通志

前事志二十三

六一

因即分兵各跨山梁從高壓下劉攀桂望見大營旂幟奮勇殺出兩路夾擊賊
即潰竄二十一日進攻蜜蜂大寨先選兵練百名由僻徑孫升對照山嶺砍斃
看守哨棚賊即時放炮打入賊寨臣李順親督將弁直抵里脚我兵奮勇搶入
頭道石牆隨即折毀進及二層而養馬猛統之賊突來抄我後尾兼分股匪將
對照山圍住我兵分頭迎敵各傷斃數十賊賊方退去對照山兵練亦即衝殺
出圍二十六日再攻蜜蜂賊伏而不出七月初四日剿上下盤林甲寨乘風縱
火賊皆狂奔逃命初九十一十五等日連次出隊將養馬蜜蜂旁近賊寨燒燬
復查側近蜜蜂之對照山與賊壘對峙臣李順當派南勇提勇黎營對照山嶺
陽示賊以久駐之計二十八日戌刻密令南勇提勇乘夜下山扒至蜜蜂二
道牆子火箭火彈齊放賊惶急無措男婦悲號當將牆子掀倒進及第三道牆
賊拚死拒守其前水道已為我兵截斷而後懸絕之處該匪繼若以竹筒
汲水而上養馬猛統扁擔山諸匪每日自巳至酉時來救援臣李順及特克慎
白人鵬中有謀等督率滇黔備弁奮勇力敵自二十九日至八月初五日統計
殲殺賊四百名臣等查蜜蜂係屬天險屢次進攻未能得手現在迭獲勝仗

賊勢雖蹙而詭要斷援兵力尙薄未能迅破賊軍事俟漢兵到來前後夾攻以期迅掃夷氛

仲夷逼歸化廳城武舉羅德光禦肇失利署通判曹琅遊擊趙起祥等固守孝順自蜜蜂寨遣援連日仍督兵攻寨不利平遠協把總甘起忠陣沒二十日守備何有保先登中石墮五箇再進創股力戰諸軍繼進克之

九月苗匪陷丹江廳城署通判嚴錫珍署參將烏爾滾珠等死之匪圍新城汎急署把總李瀛力戰死城隨陷

恒春奏據貴東道承齡稟稱九月十四日賊匪圍攻丹江廳城該文武分頭堵禦持至午刻賊分八路爬城立時攻陷各官不知下落等情查前據丹江廳通判嚴錫珍等馳稟逆苗攻城臣蔣爵遠撥兵應援並飭貴東道承齡調兵往救旋據稟稱先後派撥王定臣黃鳳管帶兵練一千三百名馳往援剿臣復聞援兵行至距丹江六十里之凱里地方停留不進隨又嚴札飛催並飭該道查明尙未據覆而丹江業已失守查丹江既失逆焰益熾亟應添兵克復但滇省地方多有不靖黔省下游逆匪騷擾又不能不撥兵協剿臣就近在開化等鎮協

貴州通志

前事志二十三

六二

抽撥弁兵一千名飭令星速馳往黔省應候調遣惟兵力尙單仰求皇上迅飭前請川兵飛速赴黔會剿以期早靖邊圉而安黎庶

初苗匪圍丹江急外委傅燦運敗沒昂德寨承齡遣經歷黃鳳署鎮遠都司王定臣自清平往援頓兵凱里致丹江久困嚴錫珍烏爾滾珠乞援署曰自台拱苗賊圍城時丹屬被脅良苗屢具稟擲入請催援兵速至即反戈攻賊乃催稟百上一卒無援良苗失望遣卒從賊賊知城中糧絕藥鉛都盡愈攻不息兩月來陣亡官兵百餘餓死男婦數百草根樹皮剝食殆盡子遺之衆骨立菜色守既無力逃亦無路十三日苗賊陷丹江廳城署通判嚴錫珍署參將烏爾滾珠守備計維宮衛千總周開廣等皆死之民死數千得脫走凱里者僅十餘人苗賊時圍新城汎急署把總李瀛屢戰被創賊掠婦女城下辱之瀛憤極嘔血裹創出戰兵練從之殺賊百餘力竭沒於陣新城兵民饑疲所恃者瀛瀛沒四日至十五日而城陷松桃協守備馬連科署千總涂文舉把總蔣國興廖友榮天柱把總吳大成彭緯璋外委郭亮疇楊士祥鄧昌才蕭世珍及汎兵三百五十人皆沒城民數千死畧盡丹江新城既先後陷苗賊愈張連日敗代理清江通

判余宗梓於烏包塘敗著柳雲縣丞沈世漢於柳寨塘廩生羅漢等百餘人皆沒

丹江爲九股苗兜悍勝于他苗悉衆撲城城小而孤乙卯十月城陷權通判事嚴錫珍死之錫珍四川舉人樸訥無幹濟才平時多議之者然以丹江蕞爾城居萬山之中困守年餘糧盡力竭城亡與亡可謂難矣

署台拱同知邵鴻儒陳勦賊情形蔣爵遠不省

鴻儒陳署曰議者欲先清驛路然賊巢在兩凱革夷山丙大小江驛路特餘黨耳兵至則散兵過仍聚不若台城近九股黑苗窟穴地險爲賊所必爭台拱失則五廳撼即克復亦難爲全局計進剿必自台始五月以來大小十數戰餉匪兵譁不得已分練領餉鎮遠不得轉又赴省迄今四十餘日練亦無耗及至練回得餉無幾前支後空又將復請僕僕道途安能勦賊請速調兵二千撥餉二萬責成韓超統帶進剿并飭鎮施一律兜剿以分賊勢蔣爵遠以固省垣通驛路爲重斥不許十八日賊據平越雞場驛道絕

正安婺川教匪劉起得等謀亂官軍旋平之

貴州通志

前事志二十三

六三

蔣爵遠奏訪聞思南遵義二府屬有青蓮教首劉起得即劉四先生自湖北竄回糾夥傳教當通飭府廳州縣嚴密查拏去後九月二十日遵義府正安州知州朱百谷捕獲楊清五一犯訊係劉起得之徒弟聽從糾約起事二十三日探有男婦多人攜帶鎗炮多件訊係聽從劉起得等謀逆並供出劉起得定於二十四日糾同吳大刀焦應華等在綏陽縣屬丁木坳地方搶場起事當將該犯正法梟示飛詣丁木坳查拏二十八日督衆直進該匪數百人公然出敵練團開炮生擒逆首焦太華餘匪潰散跟踪分緝復獲逆首周起得母應懷周大辦子何由枋鄒正奎五犯婺川縣兵役亦殺賊七人二十九日朱百谷會同營弁復帶練團追至關渡水有偽大元帥吳大刀帶領數十人前來該匪慣用大刀出入如飛經正安州各團衆用槍礮驅退追至九嶺崗將賊窩燒燬時值署婺川縣知縣阮文藻先派兵練在彼堵截遂會同正安州鄉團將吳大刀圍住三十日黎明時該匪等十餘人突由深箐內奪圍而出兵練追至岩溪驛路吳大刀誤陷泥淖仍自拔刀砍人團勇張席珍格開其刀砍傷其右臂兵役等各用礮刀攢戮割取首級嗣婺川正安陸續拏獲焦應華焦華四吳黏花石等十八

人稟報常飭署遵義府楊書魁馳往正安一併訊取確供就地正法並示諭入教而未嘗從逆者准其改悔取具保長甘結以安反側

丙子諭內閣蔣爵遠奏貴州正安州等處有青蓮教首劉起得等糾眾滋事抗官拒捕經地方官督帶兵練於綏陽縣屬之丁木坳等處接仗獲勝殘斃匪多名並將謀逆首從各犯陸續擊獲就地正法該匪等甫經傳教即被該地方官次第擊獲所有應得失察處分着加恩寬免出力團首兵勇准其擇尤保奏

孝順蔣爵遠奏調四川兵援貴州

諭四川峨邊營參將蔣玉龍曾經帶兵赴黔剿匪據該撫奏稱該員謀畧兼優於黔省情形極為留心若令帶兵至黔剿辦苗匪可期得力著黃宗漢飭令蔣玉龍即日前往貴州交蔣爵遠差遣至該撫奏下游苗匪蔓延請速調川南川東勁兵四千名一由思南前赴鎮遠一由遵義平越前赴都勻籍資會剿自因貴州兵單之故惟前經降旨令黃宗漢酌撥兵勇赴湖北助剿尚未據該督覆奏此時兵力是否足敷調遣著黃宗漢酌量抽撥即交蔣玉龍統帶前往至四

貴州通志

前事志二十三

六四

川省已撥未解黔餉前經降旨飭催見據蔣爵遠奏待餉情形急迫川省距黔較近能否撥餉數萬兩俾資接濟並著黃宗漢籌畫辦理

諭軍機大臣等孝順蔣爵遠奏黔省軍務緊急請續調川兵以資剿辦黔省剿辦下游苗教各匪此舉彼竄兵力實形單薄前經樂斌派鍾琦帶兵一千名協剿已改撥雲南蔣玉龍等所帶之兵到黔後多因瘴疫患病又黔省軍情緊急著樂斌挑選精兵一千三四百名揀派得力大員管帶由瀘州一路馳赴黔省聽候調遣其川營實在患病各兵即著撤回歸伍

冬十月銅仁徐廷杰梅繼鼎等納糧滋事猝襲銅仁陷之知府葛景萊自經死游擊達冲阿著知縣劉兆壇通

十一月諭蔣爵遠等貴州銅仁府屬舉人徐廷杰等糾集外來教匪假稱上糧戕官踞城實屬目無法紀該撫見已派員帶勇馳往該處查辦務即速飭擊獲匪犯從嚴懲辦該匪等是否傳習邪教有無勾結粵匪在內如因開糧滋事該府葛景萊平日辦理錢漕有無不善之處著蔣爵遠等將此事詳報根由確切查明據實具奏其文武各官下落并著迅即查明至界連銅仁各處務宜一體

嚴防斷不可令該匪等遠颺勾結再滋事端

欽此

諭貴州逆匪趙子潑聚眾煽亂脅令五洞十二鄉居民助給錢米已據恒春奏報咨調鎮鎮鎮精兵一千名前往銅仁援剿諒略秉章業已照咨辦理茲官文奏據辰永沅靖道翟誥稟稱探知五洞地方均係從賊并無受撫之心見在三角莊堅立木城趕造火器欲於秋後入楚聞黔省地方官專意主撫勢必滋蔓難圖等語蔣爵遠不能緩靖疆圉獲咎已重若一味姑容令其竄入鄰封則貽誤之罪豈能再從寬宥著即飭令蔣玉龍韓超等痛加殲洗不得專主招撫致該匪益滋猖獗并著略秉章即飭所調援兵二千名星速赴黔相機剿辦并於辰州常德一帶地方嚴密防範毋稍疏虞

乙卯陷城紀畧銅仁居萬山中風俗樸厚民皆畏法向稱易治自乾隆苗變及剿平小竹山教匪至是六十餘年地方無事煦嫗生息漸增富庶惟征糧一節舊皆赴倉納谷積久遂開折價之例初年糧折價四五百文繼增至千緡有奇甚有逾二千緡者民頗苦之道光末糧房周庠小有才為歷任官倚重以此致富官有緩急惟庠是資糧之納谷折價庠亦隱操其柄民切齒焉咸豐四年郡

貴州通志

前事志二十三

六五

所屬上五洞地方羣議照舊納谷毋許一戶折糧倡之者為舉人徐廷杰梅繼鼎夏昶及期民皆擔挑背負絡繹赴倉納谷時知府葛景萊以詞林外擢銅仁郡守性仁厚恂恂書生本色課士論文而外不甚措意庠因乘間請堅持折價之例無為搖奪景萊惑其言不知民議甚嚴有折價者罰不宥至是弗獲納谷悉委棄於郡署左右廡而去五年民議如前內有富民吳勞苟陳福林徐興素崇邪教請亂降鸞繼繼悉聽命於神是習傳自川省其風甚熾適有流寓蔣姓者相識字得有秘術能以符咒水令人飲之若狂演習拳勇技擊不煩師授數日即精舉百觔重器無難見勞苟等奉其言亦精此業實則以秘術濟之惑者尤眾由是假托妄言謂勞苟等悉前代名將相託生可為佐命日益猖獗遂私鑄軍器並置旂幟號號衣外借納糧名目徧處糾合各率所畜死士數十以號令之有梗令者輒毀其屋家資給衆勢甚張非徐廷杰等所能控制夏昶懼禍及驚悸而卒繼鼎倉皇走避山中諸人挺刃脅之繼鼎泣告曰家有老母當容一訣衆許之母子相持大恟衆挾之行廷杰尤怯懦聽衆所為而已九月二十八日集數千衆陽稱納糧攜谷詣郡而陰備軍械隨之景萊初聞甚駭庠為

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>